

[\(https://news.usm.my\)](https://news.usm.my)

Berita Mutakhir ▾

28 AUG TNC HEPA SERU PELAJAR BAHARU MEMPUNYAI 'GLOBAL MINDSET'



USM, PULAU PINANG, 28 Ogos 2016 - Universiti Sains Malaysia (USM) dalam rangka untuk melahirkan pelajar yang mempunyai pemikiran global (global mindset) dalam meningkat nilai pelajar dan juga bersaing di peringkat global.

Demikian ujar Timbalan Naib Canselor Hal Ehwal Pembangunan Pelajar dan Alumni, Profesor Dato' Dr. Adnan Hussein ketika sesi taklimat bersama pelajar baharu USM di Dewan Tuanku Syed Putra (DTSP) hari ini.

Menurut Adnan, pelajar harus mempunyai sifat holistik, keusahawanan dan seimbang (HEB) selepas tamat pengajian supaya mereka menjadi seorang insan yang bernilai kepada masyarakat.



"Para pelajar juga disarankan untuk mengambil bahagian dalam aktiviti-aktiviti di Desasiswa, Persatuan, Pusat Pengajian, kesukarelawanan, kepimpinan, pembangunan diri, keusahawanan, kebudayaan, sukan dan juga universiti hingga ke peringkat global dalam meningkatkan kebolehpasaran diri masing-masing," katanya.

Tambahnya lagi, dalam senario pendidikan tinggi negara kini, pelajar perlulah mempunyai nilai seimbang dalam aspek akhlak dan juga ilmu yang ditimba.

Pihak kerajaan juga memberi penumpuan kepada pembangunan pendidikan negara secara holistik melalui Pelan Pembangunan Pendidikan Malaysia-Pendidikan Tinggi (PPPM-PT) 2015-2025 melalui 10 lonjakan yang digariskan.



Kira-kira 3,700 orang pelajar mendaftar diri di Kampus Induk Pulau Pinang, Kampus Kejuruteraan Nibong Tebal dan Kampus Kesihatan Kelantan hari ini.

Teks: Hafiz Meah Ghous Meah / Foto: Muhammad Firdaus Khirudin



Share This

Pusat Media dan Perhubungan Awam / Media and Public Relations Centre

Level 1, Building E42, Chancellery II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

Client Feedback / Comments (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015